

內衙前都押衙檢校左散騎常侍兼御史大夫上柱國諱通達
兄節度押衙文達次兄節院軍使文通次兄御史端公進通次兄
蕃部落使通信 故弟寧州刺史檢校司空兼御史大夫通順並
雄才獨秀俊氣凌雲懷文善七步之英猷抱武運六韜之猛志
府君公年居童稚藝負老成伏星劍於沙場伏群兇於塞上紀綱
蓮府領袖軍州名透 寰中榮霑極職何期壽祿將盡已赴泉臺
一州哽噎以含酸四野哀鳴而響切卽以天福八年歲次癸卯九
月十日壽卒於懷安坊之私宅也以其月十六日葬于莫高里楊
開河北原之禮也 夫人曹氏卽前河西節度使曹大王之貴妹
也 母儀夙備婦道俱明三從不失於閨門四德無乖於昏旦柰
何孤鸞獨止隻鴈空悲不虧姜女之賢泣盡長城之淚女小娘子
出適曹氏 男節度押衙銀青光祿大夫檢校太子賓客元定詩
書並秀刀劍俱彰才善三端兼傳六順號天勸切叫地哀悲請刻